



# Reglament per la delegaziun da cumpetenzas dalla suprastonza communal per la vischnaunca Lumnezia

Approbau dalla suprastonza communal Lumnezia ils 11 da settember 2017

Annexa 1: Diagram da funcziuns e cumpetenzas

Annexa 2: Cunvegientscha Cussegl da scola / departament immobiglias

**Cuntegn**

<b>1</b>	<b>Disposiziuns generalas</b>	<b>3</b>
	Art. 1 Camp d'applicaziun	3
	Art. 2 Intent	3
	Art. 3 Responsabladad	3
	Art. 4 Principis da procedura	3
	Art. 5 Delegaziun supplementara	3
	Art. 6 Delegaziun en singuls cass	3
	Art. 7 Declaronza da protesta	3
	Art. 8 Vigur legala	4
	Art. 9 Effect suspensiv	4
	Art. 10 Indicaziun dils mieds legals	4
	Art. 11 Formulaziun dils mieds legals	4
	Art. 12 Decisiun dalla suprastonza communal	4
	Art. 13 Conflicts da cumpetenz	4
	Art. 14 Obligaziun d'informaziun	4
<b>2</b>	<b>Finanzas</b>	<b>5</b>
	Art. 15 Cumpetenzas finanzialas	5
	Art. 16 Responsabladads	5
	Art. 17 Controlla dil preventiv	5
<b>3</b>	<b>Incaricas ed empustaziuns</b>	<b>5</b>
	Art. 18 Principis	5
	Art. 19 Offertas	6
	Art. 20 Cumparegliaziun d'offertas	6
	Art. 21 Gliesta sorprendiders e criteris da surdada	6
	Art. 22 Surdada d'incaricas	6
<b>4</b>	<b>Administraziun communal</b>	<b>7</b>
<b>4.1</b>	<b>En general</b>	<b>7</b>
	Art. 23 Pensums e cumpetenzas en general	7
<b>4.2</b>	<b>Mieds da direcziun</b>	<b>7</b>
	Art. 24 Informaziun e coordinaziun	7
<b>4.3</b>	<b>Informaziun</b>	<b>7</b>
	Art. 25 Informaziun da persunal	7
<b>4.4</b>	<b>Promoziun e svilup dil persunal</b>	<b>7</b>
	Art. 26 Scolaziun da persunal	7
<b>5</b>	<b>Surdada da pensums e cumpetenzas a cumissiuns ed agl uffeci forestal</b>	<b>8</b>
<b>5.1</b>	<b>Cumissiun da baghegiar</b>	<b>8</b>
	Art. 27 Delegaziun d'incumbensas	8
	Art. 28 Cumpetenz	9
<b>5.2</b>	<b>Cumissiun per fatgs dalla segirtad sociala</b>	<b>9</b>
	Art. 29 Cumpetenzas da decider cumissiun per fatgs dalla segirtad sociala	9
	Art. 30 Cumpetenz	9
<b>5.3</b>	<b>Cumissiun per contribuziuns da promoziun tenor la lescha d'energia</b>	<b>9</b>
	Art. 31 Cumpetenzas da decider cumissiun per contribuziuns da promoziun tenor la lescha d'energia	9
	Art. 32 Cumpetenz	9
<b>5.4</b>	<b>Uffeci forestal</b>	<b>9</b>
	Art. 33 Offertas per tagls da lenna	9
	Art. 34 Surdada da lavur per tagls da lenna	9
	Art. 35 Serrar vias d'uaul	10
	Art. 36 Controlla cavacristallas	10
<b>6</b>	<b>Disposiziuns finalas</b>	<b>10</b>
	Art. 37 Examinaziun periodica	10
	Art. 38 Vigur	10

# Reglament per la delegaziun da cumpetenzas dalla suprastonza communal Lumnezia

dils 23 da november 2015

---

La suprastonza communal Lumnezia,

sebasond sin art. 55 lit. a dalla Constituziun dalla vischnaunca Lumnezia dils 23 da settember 2012

concluda:

## 1 Disposiziuns generalas

### Art. 1 Camp d'applicaziun

<sup>1</sup> La suprastonza communal sa delegar pensums e cumpetenzas da decider, per ils quals ella ei responsabla, al menader dil departament communal cumpetent, al menader da partiziun dall'administraziun communal, a cumissiuns u all'unitad dall'administraziun communal, ch'ei incumbensada cul pensum corrispudent. Aschilunsch sco dretg surordinau u la giurisdicziun prescrivan ina restricziun respectivamein in'otra cumpetenza da delegar, han quels precedenza.

<sup>2</sup> Criteris per la delegaziun da pensums e cumpetenzas ein oravontut ina situaziun clara da dretg, pign spazi da beinappreziar e pintga impurtonza politica.

<sup>3</sup> La delegaziun da cumpetenzas ei fixada el diagram da funcziuns e cumpetenzas, la quala vegn adattada periodicamein (aschunta 1 a quest reglament).

### Art. 2 Intent

<sup>1</sup> La delegaziun da cumpetenzas duei augmentar l'efficienza e descargar la suprastonza communal dallas decisiuns standardisadas, aschia ch'ella sa seconcentrar sils pensums politics e strategics.

### Art. 3 Responsabladad

<sup>1</sup> La responsabladad complessiva resta alla suprastonza communal malgrad la delegaziun da pensums e cumpetenzas da decider ad in post incaricau.

### Art. 4 Principis da procedura

<sup>1</sup> Il post incaricau dil pensum e dalla cumpetenza da decider ha d'observar ils principis da procedura, ch'eiin generalmein valeivels, specialmein la protecziun dall'attenziun giuridica ed igl uorden da recusaziun.

<sup>2</sup> Plinavon ha il post incaricau da risguardar la muntada politica dallas decisiuns ch'eiin da prender e da siu agir, sco era l'obligaziun d'informaziun enviars il post surordinau.

### Art. 5 Delegaziun supplementara

<sup>1</sup> La delegaziun supplementara da cumpetenzas da decider ei buca admissibla, cun excepziuns da talas che vegnan surdadas a suppleants nominai dalla suprastonza communal.

### Art. 6 Delegaziun en singuls cass

<sup>1</sup> La suprastonza communal sa delegar cumpetenzas supplementaras per singuls cass specials ni per singuls projects.

### Art. 7 Declaronza da protesta

<sup>1</sup> Sch'ina persona pertuccada directamein declara, ch'ella ei buca d'accord cun la disposiziun dil post incaricau, decida la suprastonza communal sezza. La declaronza da protesta ei d'inoltrar enteifer 10 dis suenter la comunicaziun dalla disposiziun en scret alla suprastonza communal.

<sup>2</sup> Il post incaricau examinescha sia decisiun che vegn contestada cun la declaronza da protesta, pren posiziun tier eventualas objecziuns ella declaronza da protesta e fa ina proposta alla suprastonza communal.

## Art. 8 Vigur legala

<sup>1</sup> Cun inoltrar la declaronza da protesta vegn la decisiun oriunda annullada cumplettamein.

<sup>2</sup> Sche la decisiun dil post incaricau vegn buca contestada, va ella en vigur cura ch'il termin da 10 dis suenter la comunicaziun dalla disposiziun ei cumplenus, aschia ch'el ei eguals ad ina sentenza executabla.

## Art. 9 Effect suspensiv

<sup>1</sup> El cass che la declaronza da protesta encunter ina disposiziun dil post incaricau vegn inoltrada enteifer il temps stabiliu alla suprastonza communal, decida la suprastonza communal cumplettamein da niev sco emprema istanza. Il post incaricau sa perquei buca statuir en sia decisiun la privaziun digl effect suspensiv.

## Art. 10 Indicaziun dils mieds legals

<sup>1</sup> Decisiuns dil post incaricau ston vegnir motivadas e ston cuntener in dispositiv cun la sentenza, sche necessari cun la regulaziun dils cuosts, sco era cun l'indicaziun davart la pusseivladad e davart il termin da far recuors en moda ordinaria.

<sup>2</sup> Sche l'indicaziun dils mieds legals ha buca giu liug, eisi admissibel da recuorer enteifer dus meins dapi la comunicaziun dalla decisiun.

## Art. 11 Formulaziun dils mieds legals

<sup>1</sup> Mintga disposiziun dil post incaricau ha da cuntener suandonta formulaziun dils mieds legals.

a) El cass che la disposiziun ni la decisiun dil post incaricau vegn buca acceptada ei quei da comunicar en scret enteifer 10 dis suenter la comunicaziun dalla disposiziun alla suprastonza communal. Cheutras vegn la disposiziun dil post incaricau annullada cumplettamein e la suprastonza communal decida da niev sco emprema istanza.

b) La comunicaziun en scret alla suprastonza communal ei buca ligiada a cundiziuns. Denton vegn cussegliu da menziunar ina proposta ed ina motivaziun.

c) Cun resalva da determinaziuns specialas ei la procedura per la declaronza da protesta gratuita. Ei exista buca il dretg d'ina indemnisaziun d'eventuals cuosts da partida.

d) Sch'ina declaronza da protesta vegn buca inoltrada en scret enteifer 10 dis dapi la comunicaziun, va la decisiun dil post incaricau en vigur.

## Art. 12 Decisiun dalla suprastonza communal

<sup>1</sup> En principi sa il post incaricau desister en mintga cass d'exercitar la cumpetenzza da decider e sa presentar ils documents alla suprastonza communal per la decisiun. Quei ei obligont, sch'igl ei da decider damondas fundamentalas dalla pratica ni divergenzas dalla pratica.

<sup>2</sup> El cass ch'ei dat motivs da recusaziun ha il post incaricau da desister d'exercitar la cumpetenzza da decider.

<sup>3</sup> Sche la declaronza da protesta encunter la decisiun dil post incaricau vegn inoltrada enteifer il termin stabiliu, examinescha la suprastonza communal da niev ils fatgs dil cass sco sche la delegaziun dalla cumpetenzza da decider fuss buca vegnida surdada al post incaricau. La suprastonza communal sa confirmar la decisiun contestada dil post incaricau senza ulteriura argumentaziun e surpender aschia l'argumentaziun dil post incaricau. En quei cass ein buca necessarias ulteriuras mesiras, sco p.ex. la protecziun dall'attenziun giuridica.

<sup>4</sup> La suprastonza communal ha da conceder l'attenziun giuridica mo, sch'ella decida auter ch'il post incaricau ed includa ulteriurs documents u interprenda ulteriurs sclariments.

## Art. 13 Conflicts da cumpetenzza

<sup>1</sup> Sch'ei dat malsegirtads u opiniuns divergentas concernent pensums e cumpetenzas da decider, lu decida la suprastonza communal davart la reglamentaziun da cumpetenzza.

## Art. 14 Obligaziun d'informaziun

<sup>1</sup> Davart las decisiuns pridas el rom da quest reglament ei la suprastonza communal d'informar periodicamein.

## 2 Finanzas

### Art. 15 Cumpetenzas finanzialas

<sup>1</sup> Ils caus dils departaments communal han la cumpetenzza da surdar incaricas da lavur e da far empustaziuns da survetschs e material, ch'ei cuntenidas el preventiv annual e credit tochen CHF 5'000.00 e che pertuccan la responsabladad da lur departament.

<sup>2</sup> Ils menaders dallas treis partiziuns dall'administraziun communal (canzlist communal, menader partizun da finanzas e personal, menader dil survetsch tecnic) ed il menader da scola han la cumpetenzza da surdar incaricas da lavur e da far empustaziuns da survetschs e material, ch'ei cuntenidas el preventiv annual e credit tochen CHF 5'000.00 e che pertuccan lur partizun, nun ch'ei seigi fixau enzatgei auter el diagram da funcziuns e cumpetenzas respectivamein ella descripziun dalla piazza.

<sup>3</sup> Il cau dil departament ensemen cul menader dalla partizun dall'administraziun communal han la cumpetenzza da surdar incaricas da lavur e da far empustaziuns da material ch'ei cuntenidas el preventiv annual e credit tochen CHF 25'000.00 e che pertuccan la responsabladad da lur departament e partizun.

<sup>4</sup> Ulteriuras cumpetenzas finanzialas per singulas funcziuns vegnan fixadas el diagram da funcziuns e cumpetenzas ni ella descripziun dalla piazza.

### Art. 16 Responsablads

<sup>1</sup> Il diagram da funcziuns e cumpetenzas fixescha tier la delegaziun da funcziuns per ils singuls contos dil quen current e dil quen d'investiziun l'istanza cumpetenta ch'ei responsabla pil preventiv. Mauncan las responsablads vegnan quellas fixadas dil menader dalla partizun da finanzas en cunvegientscha cul menader dil departament communal responsabel.

<sup>2</sup> Midadas dil preventiv entras la suprastonza communal ein da comunicar all'istanza responsabla cun dar la pusseivladad da prender posiziun.

<sup>3</sup> La partizun da finanzas procura ina budgetaziun precisa e detagliada dil conto ed ei responsabla egl onn current da quen, da controllar ch'il preventiv approbau vegni observaus.

<sup>4</sup> Midadas el plan da contos respectivamein la registraziun da contos novs succedan sin fundament dalla comunicaziun dil referendari entras il menader dalla partizun finanzas.

### Art. 17 Controlla dil preventiv

<sup>1</sup> Sch'igl ei da quintar cun surpassaments dil preventiv ha l'istanza cumpetenta ch'ei responsabla pil preventiv d'annunziar quei aschi gleiti che quei vegn percurschiu al menader dalla partizun finanzas e tras quel alla suprastonza communal.

<sup>2</sup> Surpassaments dil preventiv entras cuosts ni expensas supplementaras, che pertuccan buca prestaziuns prescettas tras lescha ni reglaments, ein admissiblas mo en cass excepziunals e drovan l'approbaziun dalla suprastonza communal sin proposta dil menader dalla partizun da finanzas.

<sup>3</sup> Per tuts credits singuls dil quen d'investiziun ein da far rendaquens per approbaziun dalla suprastonza communal. La suprastonza communal decida en tgei fuorma ch'il rendaquen da projects, ils quals la radunonza communal ha giu approbau, vegn presentaus a quella per approbaziun. Il rendaquen da projects, ils quals la cuminonza dils votants all'urna ha giu approbau, ein da publicar.

## 3 Incaricas ed empustaziuns

### Art. 18 Principis

<sup>1</sup> Surdar incaricas da lavur e far empustaziuns da material e survetschs tenor art. 15 ein lubidas mo el rom dil preventiv annual approbau respectivamein dils credits concedi.

<sup>2</sup> Per l'evaluaziun d'incaricas ed empustaziuns ei per regla da prender la sligiazun ch'ei economicamein la pli favureivla, risguardond termin, prezi, qualitat, survetsch per il client, valeta tecnica, congruenza cul sistem necessari, segirezza per tocca da reserva, garanzia ch'il service da reparatura seigi segiraus, etc.

<sup>3</sup> Ils fatgs da submitsiun sedrezzan tenor la lescha da submitsiun (Lsub) dil cantun Grischun dils 10 da fevrer 2004. Era ella procedura libra ein las prescripziuns dalla lescha cantunala da submitsiun d'observar, specialmein las pretensiuns per ils offerents.

<sup>4</sup> Incaricas san era vegnir surdadas a commembers dalla suprastonza communal respectivamein ad interpresas, vid las qualas els ni lur confamigliars ein participai. La partiziun da finanzas rapportescha denton alla suprastonza communal davart il volumen d'incarica, ch'ei vegnius surdaus a singuls commembers dalla suprastonza communal ni a fatschentas cun participaziun da commembers dalla suprastonza communal ni da lur confamigliars.

#### Art. 19 Offertas

<sup>1</sup> Per incaricas ed empustaziuns da varga CHF 5'000.00 eisi da dumandar ofertas en cret.

<sup>2</sup> Per ina summa da varga CHF 10'000.00 ein da fixar ordavon en cret il cuntegn ed il decuors dall'incarica. Quels drovan il consentiment dalla partiziun dalla direcziun responsabla.

<sup>3</sup> Per trer en ofertas vala per regla suandont uorden tenor las summas d'incaricas e furniziuns:

- a) Da CHF 5'000.00 entochen CHF 10'000.00      ina offerta
- b) da CHF 10'000.00 entochen CHF 50'000.00      pliras ofertas da concorrenza
- c) da CHF 50'000.00 entochen CHF 100'000.00      gliesta da sorprendiders ni furniturs approbada dalla suprastonza communal
- d) da varga CHF 100'000.00                              procedura da submitsiun tenor Lsub

<sup>4</sup> Per incaricas ed empustaziuns da character special, nua ch'igl ei malruschaneivel da procurar pliras ofertas, tonscha ina offerta. Quei cumpeggia cass nua ch'ei setracta da lavurs, fabricaziuns ni furniziuns singularas, sco era el cass che tocca ei da remplazzar d'in sistem ni fabricat special respectivamein d'ina construcziun speciala.

#### Art. 20 Cumparegliaziun d'offertas

<sup>1</sup> La cumparegliaziun d'offertas ei da documentar en cret ed ei da recapitular en fuorma d'ina proposta da surdada.

<sup>2</sup> Sche prezzi, qualitat, prestaziun e cundiziuns generalas ein equivalentes, ei da risguardar il mistregn ni commerci indigen.

#### Art. 21 Gliesta sorprendiders e criteris da surdada

<sup>1</sup> Per incaricas e furniziuns, ch'ein suttamessas alla procedura d'invit tenor Lsub, tier la quala igl incumbensader determinescha tgei offerents che vegnan envidai directamein e senza publicaziun d'inoltrar in'offerta, ha la suprastonza communal d'approbar ordavon la gliesta da sorprendiders e furniturs sco era ils criteris per la surdada.

<sup>2</sup> Per incaricas e furniziuns, ch'ein suttamessas alla procedura selectiva tenor Lsub, tier la quala igl incumbensader communichescha l'incarica publicamein e tut ils offerents san inoltrar ina damonda da participaziun, determinescha la suprastonza communal sin fundament da criteris da qualificaziun, ils offerents ch'astgan inoltrar in'offerta en ina secunda fasa.

#### Art. 22 Surdada d'incaricas

<sup>1</sup> Incaricas ed empustaziuns entochen CHF 5'000.00 san vegnir surdadas a bucca entras il menader dalla partiziun respectivamein il cau dil departament communal responsabel. La surdada d'incaricas naven da CHF 500.00 ei da documentar en fuorma adattada.

<sup>2</sup> La surdada d'incaricas ed empustaziuns naven da CHF 5'000.00 entochen CHF 25'000.00 vegnan suttascrettas collectivamein en dus dil menader dalla partiziun e dil cau dil departament communal responsabel. Per regla basegnan ellas ina confirmaziun d'incarica.

<sup>4</sup> Incaricas che survargan CHF 25'000.00 vegnan decididas entras la suprastonza communal. Ellas basegnan in contract d'execuziun.

## 4 Administraziun communal

### 4.1 En general

Art. 23 Pensums e cumpetenzas en general

<sup>1</sup> L'administraziun communal ei responsabla per ils pensums operativs. Ils detagls vegnan reglai el diagram da funcziuns e cumpetenzas, ellas descripziuns da plazzas sco era eventuals auters decrets en connex cul personal da vischnaunca respectivamein dall'activitad administrativa.

<sup>2</sup> Ils pensums dall'administraziun ein partgi en treis partiziuns dalla direcziun. Quellas ein suttamessas als menaders da partiziun

- a. Canzlia communal
- b. Finanzas / personal
- c. Survetsch tecnic

<sup>3</sup> Ils menaders dallas partiziuns dalla direcziun meinan operativamein la partiziun attribuida ad els. Ils pensums e las cumpetenzas sedrezzan tenor il diagram da funcziuns e cumpetenzas e la descripziun da plazzas.

<sup>4</sup> Ils menaders dallas partiziuns dalla direcziun representan lur partiziun anoraviars el rom dallas fatschentas ordinaras da mintga di.

### 4.2 Mieds da direcziun

Art. 24 Informaziun e coordinaziun

<sup>1</sup> L'informaziun e coordinaziun succeda cun suandonts mieds da direcziun

- a) Sesidas regularas cun ils menaders dallas partiziuns
- b) Informaziun dil collavuraturs dall'administraziun communal davart decisiuns relevantas dalla suprastonza communal
- c) Discussiuns singulas, sesidas da coordinaziun ed informaziun
- d) Directivas internas
- e) Controlla da fatschentas, pendenzas, termins e finanzas
- f) Extracts da protocol dallas sesidas dalla suprastonza communal cun las decisiuns
- g) Controlla da gestiun e reporting

### 4.3 Informaziun

Art. 25 Informaziun da personal

<sup>1</sup> Las partiziuns dalla direcziun procuran ina informaziun regulara ed objectiva, necessaria per il menaschi ed il personal per l'entira administraziun communal.

<sup>2</sup> Ils menaders dallas partiziuns dalla direcziun dattan las informaziuns impurtontas da personal a caschun dalla sesida dallas partiziuns dalla direcziun.

<sup>3</sup> Ils menaders dallas partiziuns ein obligai d'informar regularmein ils collavuraturs davart ils fatgs relevantas, che pertuccan la vischnaunca, il personal ed igl agen survetsch e da seschar informar da lur collavuraturs.

<sup>4</sup> Communicaziun internas spontanias vegnan fatgs per regla sin via electronica.

### 4.4 Promoziun e svilup dil personal

Art. 26 Scolaziun da personal

<sup>1</sup> Il menader dalla partiziun finanzas / personal decida davart la frequentaziun d'occurrentas da scolaziun e da formaziun supplementara dil collavuraturs dall'administraziun communal.

<sup>2</sup> Sch'ina scolaziun ni formaziun supplementara coerenta duront il temps da lavur ordinari cuoza varga 10 dis ni sch'ils cuosts dalla vischnaunca importan varga CHF 5'000.00, decida il menader dalla partiziun finanzas / personal ensemen cul president communal. En quests cass sto la regulaziun davart la scolaziun ni formaziun supplementara vegnir fixada en scret cul collavuratur.

## 5 Surdada da pensums e cumptenzas a cumissiuns ed agl uffeci forestal

### 5.1 Cumissiun da baghegiar

Art. 27 Delegaziun d'incumbensas

<sup>1</sup> Ultra dallas lavurs ordinarias surdat la suprastonza communal suandontas cumptenzas alla cumissiun da baghegiar.

- a) Decider, schebein projects da baghegiar ein liberei dall'obligaziun da dumandar ina lubientscha da baghegiar tenor art. 40 dall'Ordinaziun davart la planisaziun dal territori per il chantun Grischun (OPTGR) dils 24-05-2005, en vigur dapi 01-11- 2005 (DG 801.110) ni schei exista l'obligaziun per ina lubientscha da baghegiar.
- b) Decider, schebein projects da baghegiar che basegnan ina lubientscha da baghegiar, ein da suttametter ad ina procedura ordinaria per lubientschas da baghegiar ni sche las premissas digl art. 50 OPTGR per ina procedura d'annunzia ein ademplidas La procedura simplificada vegn applicada per projects da baghegiar subordinei, tier ils quals ei sto buca vegnir fatg quen cun protestas, sco cunzun
  1. Midadas da project minimalas da projects da baghegiar gia lubi
  2. Mesiras architectonicas che semanifesteschan buca anoviars, ch'ei conformas alla zona e che caschunan neginas midadas dalla grevezia da traffic u dall'utilisaziun.
- c) Communicar als patruns da baghegiar la decisiun tenor lit. a) e b) enteifer 15 dis dapi che l'annunzia ei vegnida inoltrada alla autoritad da baghegiar, cun ina disposiziun contestabla.El cass da projects da baghegiar ch'ei suttamess all'obligaziun per ina lubientscha da baghegiar communichescha ella il diember d'exemplars per la damonda da baghegiar, ils documents necessaris per la damonda da baghegiar sco era eventualas damondas necessarias per lubientschas supplementaras.
- d) Decider materialmein davart projects da baghegiar ch'ei liberei dall'obligaziun da dumandar ina lubientscha da baghegiar tenor art. 40 dall'Ordinaziun davart la planisaziun dal territori per il chantun Grischun (OPTGR)
- e) Orientar ils patruns da baghegiar davart eventualas autras lubientschas, ch'ei necessarias per projects ch'ei buca suttamess all'obligaziun per ina lubientscha da baghegiar tenor art. 40 OPTGR.
- f) Decider davart damondas da baghegiar ella procedura d'annunzia tenor art. 50 e 51 OPTGR.
- g) Decider davart damondas da baghegiar cun ina summa da baghegiar entochen CHF 250'000 ella procedura ordinaria per lubientschas da baghegiar, aschilunsch
  1. ch'ei dat buca protestas
  2. ch'igl ei buca da conceder ina lubientscha extraordinaria da baghegiar
  3. che la suprastonza communal ha tenor las determinaziuns applicablas buca ina libertad fundamentala da giudicar.
- h) Decider midadas da project da baghetgs e stabiliments approbai.
- i) Decider midadas d'intent ed utilisaziun da baghetgs ch'ei vegni construi tenor lescha.
- j) Conceder lubientschas da colligiazun vid igl aquaduct e la canalisaziun e fixar las contribuziuns da colligiazun sin basa dallas leschas communalas.
- k) Approbar las cumprovas per mesiras d'energia.
- l) Conceder lubientschas per sondas ella tiara e pumpas da calira cun las obligaziuns ella lubientscha digl Uffizi per la natira e l'ambient dil cantun Grischun.
- m) Conceder las lubientschas da s'installar en localitads ni retrer baghetgs sin fundament dalla collaudaziun dallas lavurs da baghegiar.
- n) Exequir las controllas finalas da baghegiar e relaschar las disposiziuns corrispudentas.
- o) Conceder las lubientschas per la protecziun d'incendis sin basa dallas obligaziuns ella lubientscha dalla prevenziun da fiug dall'Assicuranza d'edificis dil cantun Grischun.
- p) Communicar lubientschas cantunalas per stabiliments ed installaziuns egl intern da baghetgs.
- q) Prender decisiuns da scriver giu cass da baghegiar, sche la damonda da baghegiar vegn retratga.
- r) Conceder lubientschas da reclamas temporaras sper via.
- s) Conceder lubientschas da signalisaziuns temporaras.
- t) Conceder lubientschas da deviazions da traffic stradal en connex cun sanaziuns da vias.
- u) Conceder lubientschas da traversar vias communalas cun lingias.



<sup>2</sup> El cass da recuors resta la cumpetenzza alla suprastanza communal. En quei cass ha la cumissiun da baghegiar da far ina proposta alla suprastanza communal.

Art. 28 Cumpetenzza da signar

<sup>1</sup> Decisiuns dalla cumissiun da baghegiar e disposiziuns tenor art. 27 vegnan signadas dil president dalla cumissiun da baghegiar e dil menader digl uffeci da baghegiar. En cass d'impediment ei la substituziun cumpetanta da signar.

## 5.2 Cumissiun per fatgs dalla segirtad sociala

Art. 29 Cumpetenzas da decider cumissiun per fatgs dalla segirtad sociala

<sup>1</sup> La suprastanza communal surdat suandontas cumpetenzas alla cumissiun per fatgs dalla segirtad sociala:

- a) Prender las decisiuns necessarias per liquidar damondas per susteniment economic e cass per pagaments anticipai d'aliments, aschilunsch che quels sebasan sin propostas dil survetsch social regional Surselva, dalla Curatella Surselva ni sin decisiuns dad instanzas giuridicas.
- b) Communicar las decisiuns als pertuccai cun ina disposiziun contestabla.

<sup>2</sup> En cass da recuors encunter decisiuns e disposiziuns resta la cumpetenzza alla suprastanza communal. En quei cass ha la cumissiun per fatgs dalla segirtad sociala da far ina proposta alla suprastanza communal.

Art. 30 Cumpetenzza da signar

<sup>1</sup> Decisiuns e disposiziuns dalla cumissiun per fatgs dalla segirtad sociala vegnan signadas dil president communal ensemen cun in commember dalla cumissiun. En cass d'impediment ei la substituziun cumpetanta da signar.

## 5.3 Cumissiun per contribuziuns da promoziun tenor la lescha d'energia

Art. 31 Cumpetenzas da decider cumissiun per contribuziuns da promoziun tenor la lescha d'energia

<sup>1</sup> La suprastanza communal surdat suandontas cumpetenzas alla cumissiun per decider davart contribuziuns da promoziun tenor la lescha d'energia:

- a) Prender las decisiuns necessarias per liquidar damondas per contribuziuns da promoziun per projects e per apparatus el tenercasa.
- b) Communicar las decisiuns als pertuccai cun ina disposiziun contestabla.

<sup>2</sup> En cass da recuors encunter decisiuns e disposiziuns resta la cumpetenzza alla suprastanza communal. En quei cass ha la cumissiun per contribuziuns da promoziun tenor la lescha d'energia da far ina proposta alla suprastanza communal.

Art. 32 Cumpetenzza da signar

<sup>1</sup> Decisiuns e disposiziuns dalla cumissiun per contribuziuns da promoziun tenor la lescha d'energia vegnan signadas dil president communal ensemen cun in commember dalla cumissiun. En cass d'impediment ei la substituziun cumpetanta da signar.

## 5.4 Uffeci forestal

Art. 33 Offertas per tagls da lenna

<sup>1</sup> Per tagls da lenna entochen 1'500 m<sup>3</sup> tonschan duas ofertas d'interpresas indigenas.

<sup>2</sup> Tagls da lenna da varga 1'500 m<sup>3</sup> basegnan sil pli pauc in'ulteriura offerta d'ordeifer.

Art. 34 Surdada da lavur per tagls da lenna

<sup>1</sup> Per tagls da lenna entochen 200 m<sup>3</sup> han ils selviculturs la cumpetenzza da surdar la lavur ni da far sezs quella.

<sup>2</sup> Per tagls da lenna denter 200 m<sup>3</sup> e 500 m<sup>3</sup> han ils selviculturs ensemen cul menader dil departement communal per forestalessers la cumpetenzza da surdar la lavur.

<sup>3</sup> Per tagls da lenna da varga 500 m<sup>3</sup> drova ei la decisiun dalla suprastanza communal.

<sup>4</sup> Per tagls da lenna derscha entras malauras vala in'exceptiun. Il selvicultur ensemen cul menader dil departement communal per forestalessen san surdar il tagl, essend ch'ei setracta d'in diever sfurzau che sto per ordinari succeder immediatamein.

<sup>5</sup> La surdada da lavur sto en scadin cass succeder alla fatschenta cun l'offerta, ch'ei economicamein la pli favoreivla.

#### Art. 35 Serrar vias d'uaul

<sup>1</sup> Sper las cumpetenzas tenor uffeci vegn surdada agl uffeci forestal la cumpetenza da serrar vias d'uaul en connex cun lavurs da pinar lenna e reparar vias d'uaul. Sche las vias vegnan serradas duront plirs gis, ei la suprastanza communal d'informar en scret.

#### Art. 36 Controlla cavacristallas

<sup>1</sup> Ils selviculturs dil revier forestal dalla vischnaunca Lumnezia han la legitimaziun ed obligaziun d'exequir la controlla dil cavacristallas.

## 6 Disposiziuns finalas

#### Art. 37 Examinaziun periodica

<sup>1</sup> Il reglament per la delegaziun da cumpetenzas dalla suprastanza communal e sias annexas vegn examinaus e sche necessari adattaus tenor basegns, denton silmeins inagada duront ina perioda d'uffeci.

#### Art. 38 Vigur

<sup>1</sup> Quest reglament ei vegnius approbaus dalla suprastanza communal ils 11 da settember 2017 e passa en vigur cun igl 1. d'october 2017.

Il president communal:

Duri Blumenthal

Igl actuar:

Marcus Cavegn